

劍州志

地 380 137
138
四川

建置

畫城

祠廟

山川

同治癸酉重脩

劍

州

志

板巖學宮

志流別於史九邱先於六籍地象倣於河圖雖迂怪
弗稽實志初也至禹貢職方則大備矣劍以山形
州人皇乘祇車出谷口秦密謂卽劍道之谷沂其世
正際九邱而岷山之精上爲井絡見河圖文實今井
絡關劍首區也奚待禹貢職方始著梁益哉三代以
還劍代爲要害地唐爲節度雄鎮領縣有八綦布於
環三四百里內連城擊柝相聞也今登高望之厯厯
在目迨國朝劍獨遠於宸極最爲蕞憬四境相距千
里遼絕二百里而遙始得縣一百里而遙得驛三十
里而遙得郵緜雄昔如彼也遐邇今如此也豈獨時

劍州志

卷一

序

一

運則然抑亦王化有遠邇歟官其地憬其土窳其政
者往往是也武緣李白夫璧來守是邦獨事振厲希
古良牧拓城池奠廬井立鄉社新學宮祀鄉賢表名
宦公館郵置皆鼎新之勞以身先教以身率始也余
徵其政於聞旣而北征路過劍門又徵之於見白夫
出其所修志繙之又徵予耳目之有徵焉其土俗民
風炳如也將無望於嗣守者歟斷碑殘碣遺文墜什
拾於奧突荒蕘者又哀聚此卷若與孟陽子厚之銘
少陵謫仙之咏競其英爽過其地者觀其山川若生
色焉斯州也可無斯志乎白夫請予序在正德己卯

成之歲則嘉靖甲申時白夫已遷秩去劍云後二十年爲壬子歲侍御劍門趙公來巡滇雲以志刻見示乃拾舊稿歸公而刻之新都楊慎序

劍州志

卷一

序

二

天下事必待其人而後爲亦必待其時而後成
有適然之數焉劍故有志乃明正德間刺史李
公白夫所脩者其後毀於兵火今漫然無所考
矣同官楊君之冢子立菴英年特達才也手輯
劍陽存古錄一編余時得披覽以尋前賢往蹟
雍正甲辰夏桂林李與素先生膺

天子命來守是州越期年大和於民百廢俱興乃謀
修志得立菴存古錄大喜過望因命立菴更爲
搜輯而志遂以告成夫自明正德以迄於今二
百餘年矣此二百年中涖斯土者不下數十人

劍州志

卷一

序

三

將遂無有如吾與素先生者乎卽此二百年中
生於斯游於斯者將更無有如吾楊子立菴者
乎何以遙遙二百餘年如此巨典未之前聞必
待至今而始覲豈山川靈氣不欲輕爲表章而
故遲其歲月鄭重以出之耶抑余更有說焉白
夫先生嶺南人也而與素先生亦嶺南人其地
同其宦同其姓氏同城池白夫之所拓也而公
葺之學校白夫之所修也而公新之譙樓白夫
之所創也而公復之橋梁道路白夫所經理也
而公循其故跡增之闢之明之志白夫修之新

都太史楊升菴序之今之志李與素先生修之
而楊子立菴成之二子又皆吾蜀產也而其姓
氏又復同天下事實有如此之巧合者洵奇矣
哉余奉公之命爲序愧不能文姑述已意如此
至於公之政事有碑在口又奚贅焉雍正丁未
歲六月旣望劍州儒學訓導興文石壁撰

劍州志

卷一

序

四

嶺南李與素先生質直好義人也由進士甲科擢翰林今

皇帝卽位之始簡循良於內翰奉

命來蜀遂得授劍州州爲蜀北巖疆民貧土瘠先時刺是州者咸弗樂也公獨躬自儉約勤勞身先凡可以利民濟物而有裨於茲土者知無不爲爲亦無不當已乃修葺

文廟鑿泮池平道路飭解字諸皆出之清俸不以一毫累於民民亦不啻赤子之仰慈母焉乃念劍自唐宋以來疆域最廣人文最著而獨無

劍州志

卷一

序

五

志可稽其何以觀往古示將來於是捐金修之而命兒子端襄其事夫郡邑不可無志而居官者尤不可一日不覽志蓋志之所載有天象焉有地輿焉有民風焉有古今之政教焉有前人之臧否焉考於天當思所以順其時覽於地當思所以盡其利觀乎風當思所以正其俗審古今之政教而思所以守其經而通其變閱前人之臧否而思所以師其善而懲其惡他山之助是卽爲政之本也公之治劍也清操惠政不容殫述而斯志之刻其有功於茲土者更不小也

公今以制使之薦陞成都貳郡行將
召用大展厥猷其樹立詎止此哉雍正丁未夏六月
既望劍州儒學學正外江楊鵬羽撰

劍州志

卷一

序

六

郡邑之有志猶國之有史顧不能無異者史特誌其大綱而已纖悉不能備載志則不然上而天文下而地理中而人物之臧否政事之得失以及山川土物風俗文詞無乎不備夫豈以爲觀美哉固將以昭往蹟而詔將來典至重也劍志修於明正德間而亡於明末兵火迄今將近百年無有從而問之者辛卯冬杪端侍家大人來劍州間嘗於誦讀之餘集唐宋以來名公巨儒之文章孝子節婦之事蹟爲書一帙題曰劍陽存古錄藏之篋中又且十年亦無有從而問

劍州志

卷一

序

七

之者今

天子卽位之元年嶺南李公自翰林膺

特簡來牧茲土凡所以省徭薄賦節用愛人而化民以成俗者類皆聖賢修己治人之要道一日毅然以修志爲事而下問於端端因得呈向所集存古錄者公閱數過大喜曰劍志其在斯乎余之志子實基之子之志余將成之橐雖貧是貲猶可辦也第恐是編所錄未之能盡子其更爲博采焉毋憚勞端承公之命不敢辭乃復周游乎州之四境山也必陟其巔崖也必探其腹譚

林道院之中荒祠古墓之側凡有文之可讀有
字之可辨者罔不留意焉越期年而成書若干
卷視向之所得爲益富方合諸友較正而公以
制使岳公之薦陞授成都司馬今將行矣促付
劄劄氏且命爲序夫公之涖劍僅三年耳而學
校爲之生色廨宇爲之改觀橋梁之傾圮者今
可乘車矣道路之崎嶇者今爲坦途矣夫百年
莫問之典一旦力起而爲之卽端存古一錄藏
之十年而以待之公且得以附公而垂不朽其
遇合又豈偶然者耶雍正丁未夏六月旣望宜

劍州志

卷一

序

八

賓楊端撰

舊纂州志官紳

保甯府知府 商邱吳應濟

劍州知州 桂林李梅賓

劍州學正 宜賓楊鵬羽

劍州訓導 興文石璧

劍州吏目 宿松龔之韓

劍門驛丞 紹興李安

武連驛丞 紹興盛文彪

陝西平慶等處鹽法道按察使司僉事 合江董新策

拔貢生 李頌

劍州志 卷一 舊纂州志官紳 一

歲貢生 王廷植

廩生 李卓品

廩生 王廷極

廩生 聶如誥

廩生 王廷棧

廩生 陳謙

重修州志官紳

分巡川北兵備道 濟陽張兆辰

知保甯府事 長白福兆

署保甯府事 南皮張桐

署劍州州事 沅陵李溶

知劍州州事 黃安余文煥

劍州州學正 蓬溪景大魁

劍州州訓導 成都傅泰猷

劍州州吏目 富平邵先甲

劍州州門驛丞 臨海陳濂

劍州志 卷一 重修州志官紳 一

武連驛丞 山陰於遷

南溪縣訓導 衛閑道

榮縣教諭 李開元

候選教諭 王居中

歲貢生 徐健

歲貢生 李文淵

增貢生 董耀川

廩生 李朴

廩生 李柄

增生 李栻

附 廩 廩 增 附 附 增

生

李栩

生

溫恭

生

李志凝

生

楊健伯

生

尙濟周

生

黃在中

生

李穎

劍州志


卷一

重修州志官紳

二

州治衛

州治四番



州治疆界

署祠宇圖



州治山

道里圖



甘水井三十里

武連驛八十里

四房壩百六十里

徐家坪二百四十里

北路場市

北廟場二十里

南路場市

龍源寺四十里

廣平場百二十里

白龍廟一百里

羊子嶺百六十里

四壩場百二十里

土主廟百二十里

峭虛觀百四十里

官店壩一百里

罐兒舖百四十里

金仙場百六十里

劍州志

卷一

二

演聖寺百六十里

鳳鳴場百六十里

佛祖山百二十里

蒲家場百九十里

人馬壩百四十里

東北場市

劍門驛六十里

下寺場百二十里

馬鹿壩百二十里

西北場市

西廟場四十里

大路河六十里

東南場市

鶴齡場百二十里

香沈寺百六十里

木馬寺六十里

新廟子九十里

田家廟三十里

西南場市

元山場百八十里

寶石橋二百二十里

柘壩場百四十里

仁和場二百四十里

平壩場百六十里

劍州志

卷一

三

重修州志目錄

州人李榕編次

疆域第一

山川第二

建置第三

祠廟第四

官師第五

賦役第六

人士第七

列女第八

科名第九

藝文第十

舊志纂於雍正丁未爲書分類二十有四意在鋪張卷帙不顧其安歲己巳余自湘藩罷歸州之大夫人士猥以筆削屬余迺與弟朴柄棻栩兒子穎門人溫李楊尙黃五生勤加考證刪其蕪雜雍正以後百四劍州志 卷一 目錄 一

十年間人事採錄維謹不知妄作之戒欺世盜名之誚蓋兢兢焉始事於同治壬申二月越癸酉三月書成凡十卷